



ՎԵՆԱՓԱՌԻ ՀԱՅՐԱՊԵՏԻ ԶՐՈՒՅՑԸ ՀԱՅԱՍՏԱՆԻ ՀԵՌԱԳՐԱԿԱՆ ԳՈՐԾԱԿԱԼՈՒԹՅԱՆ ԹՂԹԱԿՑԻ ՀԵՏ

Հայաստանի հեռագրական գործակալության թղթակիցը դիմել էր Վեհափառ Հայրապետին, խնդրելով պատասխանել մի քանի հարցերի, որոնք վերաբերում էին Հայ Եկեղեցու դերին, նրա իշխանության սահմաններին և մասնավորապես «Նյու-Յորք թայմզ» թերթում վերջերս հրապարակված մի թղթակցության: Վեհափառ Հայրապետը բարեհաճեց սիրով պատասխանել պարոն թղթակցի հետևյալ հարցերին.

ՀԱՐՑ—Վերջերս «Նյու-Յորք թայմզ» թերթը զետեղել էր Ջոն Ֆենտոնի թղթակցությունը, ըստ որի Միացյալ Նահանգների բոլոր Հայաստանյայց Առաքելական Եկեղեցիները, որոնք իբր ընդգրկում են 300 000 անդամ, միացել են Կիլիկիայի Կաթողիկոսությանը: Ցանկալի է իմանալ վերոհիշյալ հոդվածի կապակցությամբ Ձեր կարծիքը:

ՊԱՏԱՍԽԱՆ— «Նյու-Յորք թայմզ»-ի թղթակցի տեղեկությունները իրականության չեն համապատասխանում: Իրականում դրությունը հետևյալն է: Մեկ ու կես տարի առաջ Կիլիկիան Կաթողիկոսական Աթոռի ներսում ծագեցին ներքին տարածայնություններ, որի հետևանքով այդ Աթոռի միաբանությունը և նրա ենթակա ժողովուրդը բաժանվեցին երկու մասի: Միաբանության և ժողովրդի մեծ մասը հավատարիմ մնաց Հայ Եկեղեցու սուրբ կանոններին և ավանդություններին, իսկ մի փոքրամասնություն, որ այժմ գործում է կենտրոն ունենալով Անթիպատ, ներկայացնում է Հայ Եկեղեցու ծագում մի հերձված: Այդ հերձվածը գլխավորապես Անթիպատի ներկա աթոռակալը անցյալ սեպտեմբերին ստացավ ձեռնադրություն և օծում՝ հակառակ Հայաստանյայց Առաքելական Եկեղեցվո սուրբ կանոնների և ավանդությունների: Անթիպատի այդ հերձվածող և անվավեր իշխանությունն է ահա, որ աննախընթաց ռոնձգություն անելով, իր իշխանության ներքև է առնում մի քանի հայ եկեղեցիներ Ամերիկայի Միացյալ Նահանգների Մեր բնակից: Մնացած Մեր բոլոր եկեղեցիները, իրենց երկու Եպիսկոպոսական Աթոռներով և գրեթե ամբողջ հավատացյալ ժողովրդով, մնում են հավատարիմ Հայ Եկեղեցու բազմադարյան պատմական Ս. Աթոռին՝ աստվածակառույց էջմիածնին:

ՀԱՐՑ— Ի՞նչ է պատճառը Անթիպատի ռոնձգության:

ՊԱՏԱՍԽԱՆ— Դա քաղաքական ռոնձգություն է մեր Եկեղեցու միության և ներքին խաղաղության բշտամիների կողմից, որոնք փորձում են պառակտել և բուլացնել մեր Ս. Եկեղեցին և հայ ժողովրդի հոգևոր-ազգային միասնությունը, և որոնց հյուսկամակատարն է դարձել Անթիպատի հոգևոր իշխանությունը: Այս դավադրության նպատակն է՝ ցույց տալ, թե Ս. էջմիածինը քաղաքական վտանգավոր մի կենտրոն է և, հետևաբար, այս Ս. Աթոռին հոգեպես հավատարիմ բոլոր հայերը կասկածելի պետք է նկատվեն Արևմուտքի մեջ:

Անթրիլիասի ախաբալը մի ռոնդալիոն է, պատմականորեն նշանակալից իրավասությանը սահմանների խախտում և հատկապես թշնամական մի ակտ, մի հարձակում բազմադարյան մեր սուրբ հավատի կենտրոնի դեմ՝ ի վնաս Հայ եկեղեցու և հայ ժողովրդի հիմնական շահերի:

Առաջիկային Մենք հատուկ կոնդակով Մեր խոսքը պիտի ասենք Անթրիլիասի այս ապօրինի և եկեղեցաբան ընթացքի նկատմամբ:

Մենք հավատում ենք, որ մոտ ապագայում, Սփյուռքի հայ հավատացյալ ժողովրդի զգուշության ու ռոնդալիոն շնորհիվ, ինչպես և մոլորված հոգևորականների վերադարձով կվերահաստատվեն միությունը և խաղաղությունը մեր եկեղեցու ծոցում՝ պատմական իրավասության սահմանների պահպանմամբ:

ՀԱՐՑ — Ե՞րբ է հիմնված Հայ եկեղեցին Ամերիկայի Միացյալ Նահանգների մեջ:

ՊԱՏԱՍԽԱՆ — Ամերիկայում հայ եկեղեցական համայնքներ առաջին անգամ կազմակերպվեցին անցյալ դարում՝ 1889 թվականին Կոստանդնուպոլսի Հայոց Պատրիարքության հունիսի 13-ի որոշմամբ: Այդ համայնքները առաջնորդական բեմի վերածվեցին և հաստատվեցին 1898-ին Մկրտիչ Ա Կաթողիկոսի (Խրիմյան Հայրիկի) հուլիսի 2-ի հատուկ կոնդակով:

Այդ օրվանից մինչև այժմ ամերիկայի երկու եպիսկոպոսական թեմեր, բոլոր եկեղեցական համայնքները և ժողովուրդը հոգևոր իմաստով եղել են և մնում են մեր բազմադարյան պատմական Աթոռի իշխանության ներքո: Ս. էջմիածնից անջատված եկեղեցիները իրենց անդամներով կազմում են ամբողջ ամերիկահայ եկեղեցիների և հայ հավատացյալների շուրջ 15%-ը: Միացյալ Նահանգներում ապրում է ոչ ավելի քան 200 000 հայ:

ՀԱՐՑ — Որքան մեղ հայտնի է, Սփյուռքում ապրում են մեկ միլիոնից ավելի հայեր: Արդյո՞ք այդ բոլոր հայերն են ընդգրկված Հայաստանյայց Առաքելական եկեղեցու՝ էջմիածնի ենթակա թեմերում:

ՊԱՏԱՍԽԱՆ — Արտասահմանի ավելի քան մեկ միլիոն հայության մեջ կան փոքրաթիվ կրոնական համայնքներ, որոնք հարել են Կաթոլիկ և Բողոքական եկեղեցիներին: Այդ համայնքները ամբողջությամբ վերցրած կազմում են Սփյուռքի հայության ամենաշատը 10%-ը: Մնացած հայությունը, ավելի քան 90%-ը, պատկանում է Հայաստանյայց Առաքելական եկեղեցուն և ի օկզրանե հոգևոր տեսակետից ենթակա է Մայր Աթոռ Ս. էջմիածնին:

